

清四朝紀畧

二

史考

和書門			
類	號	函	架
一六七五	五	一七六	八
號	號	函	架

內閣文庫			
和書	類	號	冊
六七五	五	五	八
號	號	冊	架

內閣文庫		
番號	和	16755
冊數	8 (2)	
函號	185	65



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



清四朝紀略卷二

聖祖

名玄暉諡曰仁皇帝

康熙元年


庚午

夏荊州大旱州人請掘息壤其夜大雨

歷四十餘日江水泛溢决萬城 秋江

南大有年 九月二十六日奉 駁大夫

廣西分巡左江道按察司僉事李允禎



淺草文庫

卒 是歲遣大常寺少卿王胤祚祭告

南岳 江南巡撫都御史韓世琦奉旨

行均田均役法 臺灣鄭成功死其子

鄭經居鷺江即今廈門成功身世襲陰有竊

據意經攻逐之世襲渡海來歸經僭立

改東都曰東寧改縣曰州設安撫司三

南北路澎湖各一或曰成功死其子鄭

朝廷設安輯部遠郎中貢代王允裕

二年 癸卯

夏六月正使兵科副理官張學禮副使

行人王瑛奉詔初至琉球國詔仍順治

十一年所頒初則康熙元年也初曰皇

帝初諭琉球國世子尚質爾國慕恩向

化遣使入貢世祖章皇帝嘉乃持誠特

頒恩賚命使兵科副理官張學禮等齎

捧初印封爾為琉球國中山王乃海道

未通滯閩多年致爾使人物故甚多及
學禮寺奉掣回京又不將前情奏明該
地方督撫諸臣亦不行奏請迨朕屢旨
詰問方悉此情朕念爾國傾心修貢宜
加優卹乃使臣及地方各官逗遛遲悞
豈朕柔遠之意今已將正副使督撫等
官分別處治特頒恩賚仍遣正使張學
禮副使王垓令其自贖前罪暫還原職

速送使人歸國一應勅封事宜仍照世
祖章皇帝前旨行朕恐爾國未悉朕意
故再降勅諭俾爾聞知詔曰帝玉祗德
應治恢於上下靈承於天時則溥海通
道周不率俾為藩屏臣朕懋績鴻緒奄
有中夏聲教所綏無間遐邇雖炎方荒
略亦不忍遺故遣使招徠欲俾仁風暨
於海溼爾琉球國粵在南徼乃世子尚

質達時識勢祇奉明綸卽令王魯馬宗
毅等獻方物稟正朔抒誠進表繳上舊
詔初印朕甚嘉之故特遣正使兵科副
理官張等禮副使行人司行人王垓齎
捧詔印往封為琉球國中山王仍賜以
文幣等物爾國官僚及爾氓庶尚其輔
乃玉飭乃侯度揅據乃盡守乃忠誠慎
又厥職以凝休祉綿於奕世茲詔示

咸使聞知賜玉印一緞幣三十妃緞幣
二十是歲廈門蔡偽公候伯周全斌
等大夥賊踪悉登岸削髮投誠鄭錦懼
請降總督李某性拗無方略不能措置
得宜致鄭錦以五十多船遁於臺灣
天子銳意南征遣人約紅夷令兵攻鳴
大兵入內鳴廈門金門之賊爛焉封鳳臺
山為昌瑞山設副將一員駐守孝康

章皇后大事王以下文武官員不作樂
不嫁娶凡二十七日西邊大帥某得
黃鸚鵡以黃金作籠表上聖祖却其獻
嚴飭之

三年

甲辰

夏瀕海大倉寺州縣颶風大作飄沒民
田庠舍萬計巡撫韓世琦親往勘實奏
蠲其稅秋七月甲午蘓州海溢凡

月丙子江南地震其聲自南西北冬
十一月彗星見芒初長二丈許漸至五
六尺一月而滅是歲山東旱應州
大饑民膏牛且盡遣編修吳光禮部
司務朱志遠諭祭安南黎維祺琉球
國中山王遣陪臣吳國用金正春奉表
謝恩進貢且疏言捧讀初諭日臣使物
故甚多滯閩日久將正副使併督撫請

臣心治但中外均屬臣子臣躬承天庥
不能少為諸臣之報而反重為諸臣之
累何人斯豈能宴然清夜上命還寺禮
寺原職賜國王蟒緞二絲緞四藍緞二
素緞二閃緞二錦二紬二羅二紗二賞
玉鬘絲緞表裏各四羅四靴一及使者
絲緞表裏各二折鈔布四通事從人緞
布有差

四年乙巳

夏大旱田龜坼各省巡撫具題蠲免本
年租糧 五月紅毛番人到南海普陀
山住半月盡携鑄佛幡幢等物往日本
貿易得金二十餘萬將歸本國船忽失
火自焚番俱溺海死 秋海溢 冬十
月深水民耕田得玉璽其文乃人心惟
危十六字上於朝 是歲頒行賦役簡

明全書 寇揚雨雹有大如斗者打死
人畜甚多賈縣滕縣甚有打死耕牛者
因星變頒恩詔盡蠲順治十八年以
前錢糧 假水師提督施琅以靖海將
軍率各技誠船隻進剿臺灣遇風飄散
軍器兵糧盡失朝廷屢遣招撫坐大不
臣以海波恒沸濱海居民多與私通
遂下遷海之令凡海島中及近海居民

皆為遷入內地其觀望不即遷者移兵
剿誅之其邊海州縣所遷之民流離無
歸顛路于道者不可勝紀 琉球國中
山王遣使進香并賀登極進貢其貢物
有在梅花港口遭風漂溺者奉旨免其
補進

五年

丙午

冬戶部尚書蘇納海督撫尚書王登聯

寺構死 十二月丁未朔蘇州地震越
八日甲寅又震 是歲宋儒朱文公裔
孫朱坤字廣輿五經博士 列女江
南小蒸沈時雨妻張氏卒知縣魏球旌
表其廬 遣侍讀學士程芳朝禮部郎
中張易貲冊封維禔子維禧為安南國
王 琉球國中山王補進貢物奉旨發
回又令應進瑪瑙烏木降香木香象牙

錫連香下香檀香黃熟香等十件不係
土產免其進貢其硫磺苗福建督撫收
貯餘所貢方物令督撫差人解送其未
使不必費送到京即給賞遣回

六年丁未

春灾祲疊見彗星出太白晝見白青出
西北經月餘 夏五月荷蘭國甲婁吧
王油煩嗎綏極遣陪臣卑獨攀呵閩等

入貢 秋七月輔臣蘇克薩哈誅死
八月揚州蝗入境不傷禾是年大穰
安南黎維禧逐都統使莫之清奪其諒
山高平地之清奔畝朝兩廣守臣以聞
冬十二月江南雷虹見 是歲河決
烟墩口總河尚書楊茂勳疏顯河工成
用金二十六萬有奇卽省銀一萬一千
有奇戶部覆奏二大費有應加太子少

保奉旨如部奏 揚光先疏言西洋曆
法之弊遂發大難遂欽天監監正加通
政使湯若望而奪其位然光先實於曆
法毫無所解所言皆舛謬謂戊申歲當
閏十二月尋覺其非自行檢奉時已頒
行未歲曆至下詔停止閏月光先尋事
敗論大辟 福建水師提督施琅以邊
患宜靖疏請檇臺灣得旨赴京面陳

琉球國中山王令貢使仍令貢表入覲
暹羅國王奕烈拍臘照古龍拍臘馬
噶陸坤遣陪臣握坤司答喇耶邁低禮
入貢 回回國貢三角三月牛
七年申戌
春三月蘇州崑山縣天雨花或赤或白
海神見城北新邨遂晝晦如夜大風捲
屋入空中重舟掀墜樹顛死傷甚多

夏五月琉球國中山王尚質薨 六月
京師大旱當寧露禱釋部寺繫囚并赦
流人之以版築不繼頌繫者罷其工放
歸里俄而大澍至六月杪入都 十七
日戌刻山東江南浙江河南諸省同時
地大震而山東之沂莒郯三州縣尤甚
郯之馬頭鎮死傷數千人地裂山潰沙
水湧出水中多有魚蟹之屬又天鼓鳴

鐘鼓自鳴淮北沐陽人白日見一龍騰
起金鱗爛然時方晴明照雲氣日照縣
鄰地震之夜凡日照人客者皆從崩
壓申得不死莒人客日照者皆先信有
定救是時霑化縣城督撫入告者北
東葛庐山劈裂救十丈督撫入告者北
直山東浙江江南河南五省而巴山西
陝西江西福建湖廣諸省同時並震大
都天下皆然遠者或未及知史冊所未
有諸督撫疏唯浙督趙廷臣引咎請罷

最得大臣之體今年長廣屬地太自經
海內旱蝗水潦萃於半載各有連日地
之中以致天子宵旰憂勞
震聲如戰鬪倒壞官民房屋不計其數
壓死男婦亦不可考山東自夏至冬不
時動搖甚至地裂數十丈深不可測湧
黃水如河二十七日霖雨不止平地
水深三尺田禾淹沒地農至今不息
秋七月京師雨甚崩垣圮屋晝夜聲相

聞渾河水決直入正陽崇文宣武齊化
諸門午門浸崩一角五城以水夾壓死
人數上聞北隅已報死凶一百四十餘
人上登午門觀水勢更遣章京祭被災
者屋倒之家戶給二兩入亡者入給四
兩八月十九日上幸南海子較獵等
士范承謨陳敦永從海子縱橫各四十
里上馳逐如飛顧問陳等士女在近臣

對馬者不能及命選天閑之駿使等士
騎二等士馳及寫上問若識馬良否乎
等士曰馬脊勁而蹄銳馳而為熙動良
馬也上笑領之又問習騎乎曰少而習
之終不如旗不諸臣之工也上笑以為
然冬十月江南地農有聲十二月
丙子蘇州地農是歲高念東侍郎珩
奉命祭告南岳治歷南懷仁南洋人

精於天文能劾奏監副吳維炳所造八
推算節候
年時憲書十二月應是九年正月又十
年丙春分丙秋分種之錯悞遂革惟炳
職授南懷仁為監副遣正使侍讀李
仙根副使職方主事楊兆傑宣諭安南
國王黎維禧吳中大水饑殍載途巡
撫韓世琦緡罔入告始得蠲賑濟南
錦秋湖中冰立如山高可教丈許巖洞

林壑皆具千峯萬壑死轉閉通遠近走
觀之入其中者如在深山而表裏洞徹
類晶玉旬日始消安徽巡撫張朝珍
疏報歙縣民吳士全妻呂氏一產四子

八年
己巳

夏六月江南地農屋宇皆振動遍出白
毛長五六寸秋九月十五日兵部咨
覆到晉將交城經制之兵更撫太原經

制之兵一年一撫者為例山中巨盜耳
月方絕是歲車駕幸大學後乞御史
傅世舟請求二程子後於河南撫臣以
明道裔孫宗昌伊川裔孫延祀名上俱
為五經博士大司寇李化熙堯珣
球國中山王尚貞即位進貢耳司官到
京於常貢外加進紅銅及黑漆嵌螺茶
碗照例給賜惟正使不係王屬與副使

正議大夫賞同大西洋傳而都嘉利
亞國貢使瑪訥撒爾達其入貢有旨該
國從來未通中國乞賜賚皆加一等
逆藩吳三桂按雲南及

九年

庚戌

春二月九日趙吉士以勸農往任交山
之麓交山盤結千餘里通數省賊自明
未臨其中數十年官吏從然有敢
地至其明日至長斜又明日至戴家庄巨

魁惠崇德馬前投首釋之改名重生後
三日至惠家庄即寓其家密擒大盜楊
芳林楊芳清兄弟於趙家以先令差役
于提徑押送縣度行二十餘里吉士始
整部伍行賊首任國鉉統衆千餘未奪
吉士縛營兵鍾明節加刀於頸曰賊至
先砍汝頭即率兵後二百餘逆之馭明
節衝鋒以明節雖係營兵實為山賊頭

目賊因此不敢迫吉士始整旅而還明
節亦即入山為賊夏江南霖雨
五月又大水以二程高孫程宗昌程
延祀世襲五經博士六月戊子蘇州
雨雪戊辰又大風太湖溢漂沒民田廬
秋七月鎮國公敬一主人薨於京師
世祖之庶兄巳未蘇州地震有聲海溢濱
海人多溺死冬山東大雪平地丈餘

行人死者無算屋內亦有凍死者
十一月浙江梅李樹生花治燬於寇
十二月二十四日大雨雷電交作繼復飛
雪雜以冰雹是歲初置起居注館於
太和門西廡頌上諭十六條一敦孝
身以重人倫一篇宗族以昭雍睦一和
鄉黨以息爭訟一重農桑以足衣食一
尚節儉以惜財用一隆學校以端士習

一點異端以崇正學一講法律以儆愚
頑一明禮讓以厚風俗一務本業以巨
民志一訓子身以禁非為一息誣告以
全善良一誠匿逃以免株連一完錢糧
以省催科一聯保甲以弭盜賊一解讐
忿以重身命題准各直省考取儒童
府學二十名大州縣學十五名中學十
二名小學七名江南大饑

青浦學生
葉二奇璧

所藏粟糶粥又作餅餅石
給老穉二不能就食者

六合民王

振家庭樹產白鳥二督府麻勃吉表進

於朝臨淄人於古城畊田得銅器數

百枚形製瑰異白諸官悉取入藩庫

十年

辛亥

春京師草場火燼得石數千百皆有

峯峦之形不測其故夏江南旱嚴

州旱蝗傷禾民掘草根山石至落填衢

路六月山東大水蠲免租銀十分之

二秋八月浙江義烏縣六都新廳地

方地無故自鳴三日裂丈許見紅水觀

聽者數百人尋復合冬益都縣顏神

鎮鳧鴈鴛鴦之屬以千萬計飛過城中

皆墮地死遠近四山皆滿十月趙吉

士奉旨平交山寇初七日同守備姚順

統兵至縣十三日屯駐初八日大閱初

九夜令司更者促其籌夜之子發五鼓
歛兵疾行四十里未曉至水泉灘飲犒
諸軍是夜大野山峰盡白諭山民寧家
毋從賊凍死次早諭兩葫芦居民許其
拿賊贖罪強盜亦拿賊立功統計入山
二十六日節擒賊首二十二名除自縊
二名餘俱押解又捉首賊首三十六名
新撫山民一千四百三十七家山馬六

十六匹器械粟豆別造冊呈報其真正
良民不為賊脇誘者止三十七人賞羊
潤及扁額旌表或十里或數里或百里
就地遠近立為約正以勸率各村落初
三日振旅還縣是歲琉球國進貢於
常貢外加進鬃煙番紙蕉布其被風飄
失貢物免其查議

十一年

子午

秋七月江南飛蝗蔽天不傷稼 八月
又生螟田禾半槁死 癸亥夜蘇州地
震 是歲內閣大學士衛周祚疏請纂
志初下直省府州縣衛共奉其事一以
河南為法 先是沈荃在大梁巡撫賈漢
復屬修河南通志既成上之
重定衣服等威之制 布政使慕天
顏主浚吳淞江巡撫馬祐從其議入奏
帝發帑疏濬浙省杭嘉湖恢餉共濟疏

關吳淞中段一萬一千五十餘丈揚
州清水潭決有巫言曰耿侯賜爾民魚
俄而上下河魚忽湧出人爭取之市中
魚一觔直錢一文

十二年 癸丑

春二月土魯番國王瑪墨忒塞伊忒韓
復遣其臣兀魯和澄等奉表獻馬 三
月福州海嘯舟舡吹上半天落在山上

房屋刮至罄盡近海之民七日不能舉
炊餓死之人不記其數鋪地石板刮至
半天如樹葉飄人走路亦吹去十數步
遠夏命韓炎纂修孝經衍義 濟南
早東山曹村有鳩千百成群食麥 秋
杞城火燒五千餘家一日夜不熄 冬
賊吳三桂及雲南 十月粵東司馬李
之鳳海船偶遇盜船各以火器攻敵

十一月韓茨召至起居館作大極罔說
是歲以觀象臺京師舊儀年久多不
可用命監臣南懷仁製新儀元六一天
幹儀一紀限儀陳於臺上 大司寇李
化熙母夫人薨壽年一百一歲上賜建
百歲坊標曰一品百齡鄉里榮之 暹
羅請封上以海道寫遠令以敕印付其
使臣帶往

十三年 甲寅

春益都顏神鎮鳧駕鷺之屬飛過城
中如辛亥冬已而相國孫廷銓薨 正
月十一日滇送至貴州都司成將及兵
士數千人內叛脅受偽印知縣薛某不
可登樓自縊僕薛策薛健救之曰汝誤
我非愛我也急麾去遂死 滇逆倡亂海
首先洶陷繼而盤踞興元蔓延秦隴逆
寇數十萬蜂聚天水環繞沔陽三輔騷

然震動西大震葦盜蜂結蟻聚相應和
近地江西北大震葦盜蜂結蟻聚相應和
州縣大率破守 戶靖南王耿精忠
令或逃或死 耿精忠
叛於閩時台州六邑皆大熟 耿逆蠢動
勦駐節衢州賊困江山縣薛謙若奉檄
帥師往禦奮勇先登所向披靡賊踞大
溪灘阻水斷橋謙若浮馬徑渡一戰奪
其橋再戰破其營賊大潰江圍解 陳
臺涉鄭錦扼有漳泉身耿精忠拒 嚴州
啓泰在冢二口同時殉節 嚴州
土寇韓六合竊劫壽昌劉冲寇淳安
必二六合率眾為窺建德白沙埠懷鎮
鮑虎擊退之遂復壽淳二邑邵伯景將
餘黨踞淳安山中劫掠 淳安之受偽

別者六七輩倡亂焚劫四出掠鄉鄙救
百里雞犬為之不寧縣令張三讓進立
敵不敢
二十四日耿精忠兵度仙霞嶺

直犯浙東伏莽拔九輩各授以劄偽都

督朱德甫率賊焚掠浦江縣境府金華

夏六月江南大風決水傷禾秋九月

寇突入浙江東義永浦四縣城破閩寇

徐尚朝札營積道山郡城危甚二十

五日邑人吳尚鉉團集里中健兒與賊

戰於松邨為賊所害知縣毛文楚赴省

乞師賊覘知無備雁眾入城四鄉羣不

逞三徒多附之各建旗号肆行劫掠

冬十月江南霪雨賊圍台城四鄉土

賊蜂起民間所貯穀米盡被劫夫十

二月和碩康親王統兵遣將勦捕賊聞

之遁入義烏官兵追至戚邨槁步虛嶺

盡殲滅之是歲始命專用西洋法定

時順治年間特命監臣湯若望考定儀法推步之法本朝益加詳密本

朝令西洋人居觀象臺在城東及南隅時憲

書局在宣武門內治理時憲書凡時憲

書歲以二月一日進未歲時憲書式四

月一日頒式直省刊刻十月一日進御

覽並頒賜王公百官又冬至日太史院

進歷回回太史進歷又進畫歷後市即

有賣新歷者修葺吳縣梅里泰伯廟

琉球國進貢於常貢外加進紅銅及

火印絲烟安南王黎維禧病故嗣王

黎維禧具疏告哀

十四年乙卯

春三月邵伯景犯建德方山村適生員

宋維藩避兵方山見伯景諭以大義且

密遣人迎邑令夏景松同生員王國裕

往撫之遂受招安散其黨歸農夏台

川城中大兵數十萬四鄉田悉荒燕斗
米賣銀五錢百姓餓死不計其數秋
八月賊走温州貝子大兵追圍溫城涼平
注焯及蘭靖送奮威二將軍自河西來
軍於龍尾阜蘭之間攻城不下賊欲破
鏤淳化閣石為礮偽知州徐某力救得
免淳安邑令劉可仕未有膽決精騎
射練鄉勇入山搜伏且勒且招渠魁皆
誓願請死會嚴懷鎮鮑虎提兵四捕餘
黨以冬十二月五日皇太子諸相議赦
平書條款進呈或言八旗逃人甚多應不

赦臨朐馮溥獨持不可爭之極力天已
暮立促入奏遂兩議以進上面詢其故
溥持已議益堅上曰卿等暫出別議畫
一以聞至閣已二鼓兵諸公譬說百端
溥斷不可竟再具兩議上之上竟從
溥議
十五年丙辰
春甘肅撫臣疏稱會寧縣典史汪玉虹

妻陳氏被執罵賊不辱投井死得旨給
銀三十兩立貞烈碑 夏五月江南有
星隕瓢河岸墮地有聲居民掘之見一
黑石手按尚熱稱之重十九觔擊碎以
刀摩之火芒四射 初一日京師大風
晝晦有人騎驢過正陽門御風行空中
至崇文門始墜地入驢俱無恙又有人
在西山皇姑寺前叱風息身已 在京城

內此灾祥之甚者 六月江南大水
秋九月和碩康親王入閩耿精忠始授
降 鄭錦遁歸臺灣 是歲蘇州長州
縣級定求舉進士 第一大臣置定求卷
第一及進呈聖祖問會之卷何以列第一
三大臣奏言書法不及前二卷聖祖曰
會之策未數行有勸勉朕躬意往時周
程張朱豈俱工書者親擢第一授修撰

朝鮮國王李淳上疏歷陳先祖穆莊
王受誣事略

清四朝紀畧卷二

清四朝紀畧卷三

康熙十六年

春聖祖日御知德殿講書
正月朔江南聞雷聲
二月詔曰帝王克勤天戒
凡有垂象皆關治理故設立專官職司
占候所係甚重一切祥異理應不時具
奏夏又日御知德殿講書
四月望

聖祖以長白山發祥要地特命內大臣
覺羅武某一寺侍衛兼親隨侍衛賈耀
色一寺侍衛塞夔禮寺於大暑前馳驛
往二十六月翰林院檢討如一級之
林郎韓士修卒年三十一五月江南雨水
朔京師大風拔樹倒屋四日覺羅
武等啓行六月江南疫癘大作秋
在浪女子十五歲化為男八月二十

一日覺羅武等還京具疏聞聖祖以發
祥之地奇蹟甚多山靈宜加封号下內
閣禮部議封為長白山之神歲時享祀
如五嶽焉是歲閏逆初降以孝陵
故陞遵化縣為州以豐潤縣屬之知縣
鄭倚生即陞知州山東威海守備李
標始議築壩挖水沿堤植柳以護蟻穴
衛人德之勒李公堤碑

十七年戎

夏四月江南地震 五月又雨雪大旱
歲祲 是歲聖祖幸南海子 命翰詹
諸臣修皇輿表 依史記年表之例代為
一格橫書之 惟詳歷代沿革名号 命
一寺侍衛狼曠頌孝昭皇后尊謚於朝
鮮 曰令采東國詩歸壽吳人孫致彌副
行撰朝鮮採風錄 廣東盜賊極多有

盜首謝昌揚二揚三陳器玉鍾寄生等
橫行海上 閩督姚啓聖征臺灣移檄
徵兵鄔景超壯士率鄉勇百人應募
授守備為蔣懋勳麾下先鋒積戰功擢
左都督賊平不之官而歸 山東濟寧
有婦人年四十餘寡教年兵忽生陽道
日與其子婦狎久之其子鳴於官以庸
屬怪異律無明文乃命令閉置空室中

給其飲食

西洋重國貢獅子虎豹諸獸皆畏之詔廷臣共觀

十八年

己未

春聖祖法古制科取士詔在廷諸臣暨
督撫大吏各舉博學宏詞之彥毋論已
仕未仕時閣部以下內外薦舉者一百
八十六人三月朔召試太和殿廷發
顯璿璣玉衡賦并四六序省耕詩排律
二十韻學士院散官紙乞祿布席賜燕

體仁閣下中使傳旨向未殿試進士之
例立而對策今以爾等績學博聞特賜
坐賜食僉謝恩畢既納卷閣臣以八十
卷進呈次日聖祖行大蒐禮次鄆州東
卷授大學士高陽李蔚寶坻杜立德益
都馮溥掌院學士葉方勤定其高下一
等彭孫遜倪燦張烈汪穉喬某王頊齡
李因篤秦松齡周清源陳維崧徐嘉炎

陸棻馮最錢中諧汪楫袁佑朱彝尊湯
斌汪琬邱象隨二李耒秦潘耒沈珩
施閏章朱漢雯黃與堅李鎰徐鉉沈筠
周慶曾左侗范必英崔如岳張鴻烈方
象瑛李澄中吳元龍龐塏毛奇齡錢金
甫吳任臣陳鴻績曹宜毛升芳曹禾黎
騫高詠龍燮邵遠平嚴繩孫以上五十
人俱以翰林官分補授內閣中書七人

王方穀朱鍾仁申維翰王嗣槐鄧漢儀
王昊孫枝蔚未與試授中書者二人傳
山杜越命編修明史夏大旱詔求直
言時定新例當沆者徙烏喇極北以贖
邊廷臣集議禮部侍郎沈荃謂烏喇距
蒙古三四千里地不毛極寒人畜凍輒
死罪不至死者不應驅之死地為一議
上之詔令畫一荃堅持前議曰此議行

三日不雨臣願受欺罔罪聖祖改谷納
之秋江閩江鳴水立如山久之乃復
其故七月二十八日巳時京師地震
聲如霹靂黃霧迷天地裂成河是時前
恭改李之陽居采峪死鳥其二僕皆死
逾二日一僕復活云初地震時不知已
死但二偉丈夫各高丈餘馱出門顧視
同行者甚眾主人亦在焉頃之偉丈夫
顧某曰汝不合在此人教力可速回某
曰某主人在是某將何之又教里復顧
杖汝未去耶以三十日午時京師復

震宮殿城垣盡塌壓死八旗人口二百
五十名民人二百三十五名壞房屋二
萬一千七百間通州涿州良鄉三河山
海關一時並震通州三河更甚通州死
人百總河王芝裕家口八十四人住通州
驛館地陷盡淹死聖上敬共天戒初百
官俯省言時事得失發內帑賑恤死者
之家其被災房屋每間給銀二兩冬

十月著江西巡撫布政使王新命上言
浮梁縣丞承饒紹德妻朱氏母推氏遇
賊搜洗慮被污辱皆投繯死禮部議旌
表 二日秦州副將楊三虎奉旨調同
王之鼎費雅達征四川 十二月初三
日太和殿災 是歲江南造戰艦凡千
百年古樹多被斧斤之厄有盛興張公洞
教林相傳教百年物也 巡撫不令蘇松
道方恭議國棟親往伐之樹皆血出方

驚悸得疾旬日卒方詳干霄稱廉吏
又奉開府檄而竟死 神靈謂何
湖廣總督蔡毓榮疏言舟車新祥倏遇
暴風因虔禱名山龍神靈應甚著得旨
封為洞庭之神遣官致祭 揚州高郵
大水民飢水田忽生草曰三稜有老妪
教民取食賴以全活者數万 琉球國
補進十七年貢物除赴京存留官件外
其餘員役令先乘原船歸國

十九年庚申

春正月蜀寇平定不巳提十日楊三

虎攻成都十五日月赤無光二月

總督姚啓聖巡撫吳興祚出師臺灣

二十四日恢復海澄二十七日恢復

廈門三月初二日恢復金門阻風不

得進夏四月八日楊三處得永寧鎮

五月江南大水二十九日午時潼

關南城外忽有黑雲一片瀚然而作俄

大雨如注水憑城而入漂沒公私解舍

男女死者二千三百八十五人六月

有星孛於西南形如劍長數十丈經月

乃隱秋西北出一大星光芒有尾如

同掃帚長數十丈八月江南大疫

九月九日成都城陷楊三處狗難奉旨

給卹銀六百兩予祭品銀二十五兩在

莽銀五百兩遣官諭祭贈左都督
臺灣大橋十月初三日彗星見於五
宮蒼白色初六日其尾漸長初八
日尾長六丈潤二尺占云尾短兵喪尾
長兵亂蒼白色以五丈至十丈應在十
年內十一月朔白氣長二丈餘現於
西南月餘不消兵部侍郎成某範奏司
此主吳逆速滅之兆無何而是歲始

以武夾殿內左右廊房共六十三楹為
修書必掌刊印裝潢書籍之事粵東
司馬李之鳳出使荷蘭江南水災葉
之奇再捐賑乞粟若干石揚州江都
麥秀兩岐有一莖三五穗者後連歲
淮水暴漲壞泗州城郭公私廬舍漂沒
無算唯僧伽塔屋存廣東虎頭門口
龍挂將渡艇吸上教十七覆下淹死百

十餘人 琉球國中王遣使進貢奉
諭琉球國進貢方物以後止令貢硫磺
海螺殼紅銅其餘不必進貢物舊有
金銀罐金銀粉匣金銀酒海泥金彩畫
屏風泥金扇泥銀扇畫扇蕉布苧布紅
花胡椒蘇木腰刀大口鎗盔甲馬鞍絲
綿螺盤後俱免進外有口貢物無定額
熟硫磺一萬二千六百觔海螺殼三千

個紅銅三千觔

二十年辛酉

春正月二十七日臺灣鄭錦元錦一作經偽

提督董騰敘錦長子立其次子克埭

二月聖祖謁孝陵諸公卿三品已上皆

從夏六月旱秋大旱井泉盡涸汲

者苦之冬十月大兵平雲南世蟠授

首十一月露布至京師聖祖命宜提

午門擇日告郊廟社稷復躬謁列祖山
陵念中外軍民勞苦德音誕敷洪恩湛
被諸王貝勒大臣暨外藩王等咸謂功
德隆盛請上尊號聖祖諒讓至於再三
上太皇太后皇太后徽號頒詔大赦
天下諸臣皆覃恩封贈如其官
十二
月朝廷從姚啓聖請特命內大臣伯施
琅征臺灣琅至閩選舟師練習
初十

日靖海將軍侯施琅總督姚啓聖出師
駐澎湖相機招撫是歲命增置日講
官起居注八員御書清慎勤三字徧
賜中外衙門江南歲大稔臺灣疫
漳潮兩府海嘯打破洋船不計其數
盜匪盡為覆沒三日乃止方番司土
官二母安順府陶生之姪及八角井一
農家婦皆化為虎琉球國遣使入貢

聖祖以貞恪共藩職當耿精忠叛亂之際屢獻方物恭順可嘉賜初褒諭仍賜錦幣五十又於常貢內免其貢馬著為例

二十一年
春聖祖有事春蒐琉球國中山王世子遣耳目官毛見龍正議大夫梁邦翰上言先王尚質於康熙七年告堯貞孺

嗣應襲爵具通國結狀請封禮部議航海道遠應令貢使領封見龍等固請部議執不可聖祖特免之命翰林院檢討汪楫為正使內閣中書舍人林麟焟為副使

曰典給事中行人若一員往聖祖重其選特命廷臣會推可使者以聞入朝人多說首長編大臣遂以汪楫對免正使賜一品服

陳七事一請頒御筆一請照例諭祭海神一渡海之期不必專候貢使一請帶

修船官一同渡海一請給關防一請增
兵護行一請預支俸銀奏上御筆大書
中山廿土四字賜王特許帶修船匠役
隨行製祭之二道祈報海神并給俸二
年以往 正月上乞賜羣臣宴於乾清
宮異教也 三月駕幸盛京謁陵 夏
浙江霪雨溪流暴漲漂沒廬舍人畜多
溺死 五月駕在瀛臺 嚴州大水

六月正使翰林院檢討汪楫副使內閣
中書舍人林麟燭冊封琉球 濟南大
水城不沒者三版 嚴州大水再發沒
邵城 秋嚴州又大蝗禾無收 七月
臺灣地生毛 九月又雨髮 冬廣西
巡撫郝中丞浴上疏為死節前巡撫廣
西都御史贈兵部尚書諡文毅馬公雄
鎮平蚤滅寇將軍巡撫廣西兵部尚書

謚忠烈傅公弘烈請建雙忠祠詔允之
臺灣饑 十月龍見 十一月太宗
實錄成 是歲以太和殿大工 乙楚蜀
閩粵產木之地皆差部員往採明旨嚴
禁騷擾姚給事濮陽祖頊疏請禁伐祠
廟冢墓間樹得旨允行 將朱子升配
十哲隨以朱子全書頒行天下使學者
有所適從 福建總督姚啓聖謀取臺

灣姚啓聖用間謀陰結為害 江南歲
大稔 揚州興化縣民韓日昇妻孫氏
一產三男 安南國王嗣黎維正差陪
臣賞捧謝恩禮物 又差陪臣賞捧款
貢方物 又差陪臣賞捧康熙十四年
歲貢方物 又差陪臣賞捧康熙十七
年歲貢方物 蒙古上表 土魯番奉
表進貢物

二十二年

癸亥

春浙江積雨小麥萎黃盡死李生桃實
 菜生黃瓜山中植木開榴花義烏三都
 有山產芝無教居民採之次晨隨出閱
 教日不復見江南又落雨傷麥正
 月三十日聖祖自南苑回二月駕幸
 五臺駐蹕定縣召父老慰問賜金夏
 靖海將軍施琅奉命率舟師進討臺灣

四月二十日日講官起居注右春坊

右賞善兼翰林院檢討蔡啟傅卒年六

十五五月臺灣大水田冲陷六

月施琅自銅山抵澎湖二十二月攻

克澎湖平陽總兵朱天貴率舟師奮勇

死姚啓聖上具一子知州入單灣連

克虎井桶盤諸嶼誓師戒嚴二十六

日臺灣夜有大星隕於海聲如雷閏

六月十一日鄭克塽遣鄭平英林維榮
賁降表至施琅軍前奉國內附 秋七
月十五日遣偽副使劉國昌馮錫韓繳
延平王武平侯忠誠伯印三顆 八月
十三日遣偽副使何仕龍至澎湖迎接
官兵進港 十五日施琅統水軍至臺
灣 十八日自克塽以下官民悉遵制
剃髮降偽公鄭聰偽侯鄭溫等八人偽

武平侯劉國軒偽忠誠伯馮鎮統故明
監國魯王世子朱桓及宗族朱慈燦朱
汀朱浚朱燭朱煇朱達朱燭朱嚴珍等
冬十月初五日山西巡撫穆爾賚疏
報太原府屬地震凡十五州縣而代州
崞縣繁峙為甚崞縣城陷地中毀房舍
凡六萬餘間與丁未山東己未京師二
災相似 十一月十一日鄭克塽等

到閩省陸續進京隨所食俸聖祖嘉悅
解衣賜施琅并製詩褒美為誕詠吉日
告祀孝陵 是歲汪楫等渡海先行諭
祭故王禮次行冊封禮賜王蟒級錦幣
三十正妃二十正 欽差翰林院禮部
官各一員 侍讀郎黑禮 賜郵致祭安南
故王黎維禧黎維禔復遣翰林官二員
侍讀明國冊封維禔 正為安南國
編修孫卓

王賜以誥命并換給新鑄駝鈕鍍金銀
印御書忠孝守邦四字賜之

二十三年 甲子

春正月上元甲子天子有事于河命駕
南巡道經山東山東之諸侯及請告在
籍羣臣皆送于堯宮又官南省有悉迎
駕于淮上以爵秩之次隨行于後視河
之暇渡江而南大小臣工咸被恩寵而

提督昭武將軍楊捷迎駕慰勞甚至稱
老將軍蓋異教云夏五月十二日開
館纂修大清會典秋七月禮部侍郎
沈荃卒于位年六十一賞銀五百兩賻
其喪謚文恪八月陸路提督萬正色
將之日本行至鷄籠山後因無風為東
流所牽抵一山得暫息舟中七十五人
皆莫識何地逮後水轉西沉其舟仍回

至廈門九月聖祖東巡狩視河濱方
謁先師闕里先期布告中外遣官祭岳
鎮海濱之神兵部督左理事官鄭重祭
告南鎮會誓山詹事府少詹事兼翰林
院侍講學士王士正代祀南海大駕
所過賜蠲賜賑是月海岱門內地中
忽作聲有光如電初以為地震也已知
其地為埋火藥覆以大石板上土厚尺

餘不知何故忽發飛石所中億傷二百
餘人冬十月大駕至於姑蘇至於金
陵屏兵衛所至攬轡慰門黎民歡迎壅
御馬至不得行聖祖親謁明太祖孝陵
賞賚守陵內監及陵戶人寺有差總督
兩江兵部侍郎王新命刻石紀事初
七日聖祖遣太常寺丞張量馨鴻臚寺
鳴贊韓布齋香帛耒闕里監視祭品

十九日聖祖祭岱宗後至於泰山書
普照乾坤四大字建序置額于孔子小
天卜心又御書白鹿書院額賜廬山白
鹿洞并賜監本五經四書其河南二程
子祠邵子祠鳳翔橫渠書院建寧紫陽
書院徽州文公闕里長沙石鼓書院皆
頒御書十一月十七日申刻駕至闕
里十八日聖祖乘輿進城詣先師廟

阼讀祀文行三獻禮三阼九叩為曠代
所無牲用太牢祭品十籩豆樂舞六佾
羣臣皆呼萬歲又御書萬世師表四字
懸大成殿及頒行天下學宮 周公後
裔七十三代孫世襲奉祀生員東野沛
然上阼顯恩奉旨以沛然世襲五經博
士如孔廟曾孟仲氏例先是沛然上阼
行在上召問周公姬姓爾阼稱東野何

故沛然對曰昔魯公伯禽季子魯賜東
野田一成曰以為氏上曰周公廟庭何
在對曰在闕里城東北二里上悅隨御
制祭文遣恭親王致祭 後沛然卒子枝
盛嗣為博士
後大駕扞江寧蘇州回壘所在先期
修治道路整飾橋梁 是歲立臺灣府
臺灣鳳山諸羅三縣設臺灣廈門總兵
分巡道及府縣佐二寺官遷民悉還故

址田賦五年起科沿海居民許網罟為
業商人聽質遷外國江浙閩廣四有設
四海關每年部差征收漁課及高稅如
各鈔關例臺灣阮入版圖大池洋禁
裁浙閩總督為閩督之標在衢州兵三
千亦裁國子祭酒王士正阮請重修
經史刻板得旨允行相國李蔚堯天
安門外天柱折人皆謂關相國云琉

球國中山王遣法司王鬲毛國珍紫金
大夫王明佐等謝封汪楫等回京復為
題請遠人向化請賜就學奉旨准令就
學暹羅國王遣陪臣坤亨述列瓦提
等奉表進貢

二十四年乙丑

春正月元旦立春有大老署門云歲朝
春百年難遇聖天子萬壽無疆二月

韓炎等奉旨選集古文上自春秋迄於
有明網羅苞并區別部分為集有三曰
正集曰別集曰外集賜名曰淵鑒 秋
八月初三日回回人在京師者為群聚
慶會 是歲聖祖南苑大閱擇南苑
西紅門內曠地八旗官兵槍礮按旗排
為三隊帝率皇子等擐甲前張黃蓋內
大臣侍衛大學士及各部院大臣均扈

從後建黃龍大纛帝周閱八旗兵陣閱
畢駕還行宮特降勅諭申明軍令宜示
于大閱之地 特設景山官學專以教
習內府三旗子弟之書射者遂為定制
改稱宋儒周邵二程張朱六子為先
賢位次左氏下 又以宋儒周惇頤二
十九代孫嘉耀世襲五經博士 直隸
邵邑免現年錢糧 崇明相國采文恪

薨於京師奉旨馳驛差官送歸公子扶
柩入蘇州府城里等治喪此變例也

二十五年丙寅

夏四月詔禮部翰林院博採遺書

十日辰時臺灣地大震冬十二月

縣重修五聖孟子廟碑是歲覆准上

諭十六條令直省督撫轉行提鎮寺官

曉諭各該管伍將弁丁併頒發土司各

官通行講讀颶風漂沒海船十出其

六荷蘭國王耀漢連氏甘勃氏遣陪

臣齋先祀芝奉表進貢琉球國中山

王遣官生梁成楫蔡文濤阮維新鄭秉

鈞四人入大寺附貢使耳目官魏應伯

正議大夫曾夔船桅折傷東鈞飄至太

平山修船

